

O'zbekiston Respublikasi
Xorazm viloyati
Bog'ot tumani
**HO KIMI
QARORI**



Ўзбекистон Республикаси
Хоразм вилояти
Богот тумани
**ХОКИМИ
ҚАРОРИ**

220200 Богот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил "7" Октябр

№ 2451w

Богот шаҳарчаси

Хоразм вилояти ҳокимининг 2020 йил 3 ноябрдаги "Ўзбекистон Республикаси Президентининг 2020 йил 30 октябрдаги "Яширин иқтисодиётни қисқартириш ва солиқ органлари фаолияти самарадорлигини ошириш бўйича ташкилий чора-тадбирлар тўғрисида"ги ПФ-6098-сонли Фармони ҳақида"ги 397қ-сонли қарорининг ижроси ҳақида

Ўзбекистон Республикаси Президентининг 2020 йил 30 октябрдаги ПФ-6098-сонли Фармонининг ҳамда бу юзадан вилоят ҳокимининг 2020 йил 3 ноябрдаги 397қ-сонли қарорининг ижроси юзасидан туманда яширин иқтисодиёт даражасини пасайтириш, тадбиркорлик фаолиятини юритиш учун, шу жумладан, тартибга солиш ва маъмурий юкни камайтириш ҳисобига тенг рақобат шароитларини яратиш, солиқ қонунчилиги талабларига риоя қилиш тартиб-таомилларини автоматлаштириш ва унинг тартибини соддалаштириш мақсадида

ҚАРОР ҚИЛАМАН:

1. Ўзбекистон Республикаси Президентининг 2020 йил 30 октябрдаги "Яширин иқтисодиётни қисқартириш ва солиқ органлари фаолияти самарадорлигини ошириш бўйича ташкилий чора-тадбирлар тўғрисида"ги ПФ-6098-сонли Фармони ва бу юзадан вилоят ҳокимининг 2020 йил 3 ноябрдаги 397қ-сонли қарори раҳбарлик ва ижро учун қабул қилинсин.

2. Ўзбекистон Республикаси Президентининг мазкур Фармони билан: яширин иқтисодиётни қисқартириш бўйича махсус комиссия (кейинги ўринларда - Махсус комиссия) 1-иловага мувофиқ таркибда, яширин иқтисодиётни қисқартириш бўйича ҳудудий комиссиялар (кейинги ўринларда ҳудудий комиссиялар) 2-иловага мувофиқ намунавий таркибда ташкил этилганлиги;

яширин иқтисодиёт ва коррупцияга қарши курашишда вазирлик ва идораларнинг фаолияти самарадорлигини оширишга қаратилган чора-тадбирларни амалга ошириш ҳамда солиқ ва божхона маъмуриятчилигини такомиллаштириш бўйича "йўл харита"си 3-иловага;

Давлат солиқ қўмитаси 2021 йил 1 апрелгача 4-иловага мувофиқ реал вақт режимида қўшимча маълумотлар алмашинувини таъминлайдиган идоралараро аппарат мажмуасини фойдаланишга топшириши;

Ўзбекистон Республикаси Давлат солиқ кўмитаси марказий аппаратининг тузилмаси 5-иловага;

йирик солиқ тўловчилар бўйича ҳудудлараро давлат солиқ инспекциясининг тузилмаси 6-иловага;

Қорақалпоғистон Республикаси, вилоятлар ва Тошкент шаҳар давлат солиқ бошқармаларининг тузилмаси 7-иловага;

туманлар (шаҳарлар) давлат солиқ инспекцияларининг тузилмаси 8-иловага;

Ўзбекистон Республикаси Президенти ва Ўзбекистон Республикаси Хукуматининг айрим ҳужжатларига 9-иловага мувофиқ ўзгартириш ва қўшимчалар киритилганлиги маълумот ва ижро учун қабул қилинсин.

3. Яширин иқтисодиётни қисқартириш бўйича туман комиссияси (кейинги ўринларда – туман комиссияси) 10-иловага мувофиқ таркибда тасдиқлансин.

4. Қуйидагилар туман комиссиянинг асосий вазифалари этиб белгилансин:

тадбиркорларга фаолиятини қонунийлаштиришда ва зарур рухсатномаларни олишда ёрдам бериш, шунингдек, улар билан профилактика ишларини олиб бориш;

яширин иқтисодиётнинг шаклланишига олиб келадиган сабаблар ва омилларни аниқлаш, уларни бартараф этиш чораларини кўриш;

қонуний олиб кирилган ёки контрафакт товарларини, шунингдек, юк ташиш ҳужжатларисиз туман ичида ҳаракатланаётган товарларни сотишга қарши курашиш;

биринчи навбатда, акцизоти маҳсулотларини ноқонуний ишлаб чиқариш, сотиш ва сақлаш ҳолатларини аниқлаш орқали давлат рўйхатидан ўтмасдан тадбиркорлик фаолиятини юритиш ва даромадларни яширишнинг олдини олиш;

аввало, қурилиш объектларида ва хизмат кўрсатиш соҳасидаги норасмий меҳнат фаолиятини юритиш, шунингдек, иш ҳақини “конвертда” тўлаш ҳолатларини бартараф этиш.

5. Туман комиссияси:

икки ҳафта муддатда ҳар бир туманнинг ўзига хос хусусиятларини ҳисобга олган ва масъул органлар ҳамда ташкилотларни белгилаган ҳолда “йўл хариталари”ни ишлаб чиқсин ва кутилаётган натижаларни кўрсатган ҳолда Республика Махсус комиссияга тасдиқлаш учун тақдим этсин;

ҳар чоракда яширин иқтисодиётга қарши курашишни такомиллаштириш бўйича таклифларни Махсус комиссияга кўриб чиқиш учун киритсин.

6. Туман комиссияси (С.Қурбонов) ҳар ойда туман ташкилотлари раҳбарларининг, яширин иқтисодиёт ва коррупцияга қарши курашиш бўйича, шу жумладан, “йўл харитаси”да кўзда тутилган чора-тадбирларнинг бажарилиши юзасидан ҳисоботларни эшитиб боришини ташкил қилсин.

7. Туман тижорат банклари 2021 йил 1 январга қадар:

ўзини ўзи банд қилган шахслар ва ҳунармандлар томонидан ҳамда умумий овқатланиш пунктларида сотиладиган товарлар ва хизматлар учун

аҳоли томонидан тўловларни амалга оширишда контактсиз технологияларнинг жорий этилишини таъминлаш;


банкоматлар ва кўп функцияли ўз-ўзига хизмат кўрсатиш терминаллари тармоғини кенгайтириш чораларини кўрсин.

8. Туман давлат солиқ инспекцияси (Х.Жуманиёзов) тадбиркорлик субъектлари ўртасида тўлов терминаллари ва онлайн назорат-касса машиналаридан фойдаланмасдан фаолиятни амалга оширганлиги учун жавобгарлик чоралари тўғрисида мунтазам равишда, шу жумладан, оммавий ахборот воситалари орқали тушунтириш ишларини олиб бурсин.

9. Туман ҳокимининг матбуот котиби - ахборот сиёсати масалалари бўйича маслаҳатчиси (М.Абдуллаева), “Боғот садоси” газетаси таҳририяти (Ш.Усмонхўжаев) туманда “Яширин иқтисодийтни қисқартириш” бўйича қилинган ишлар бўйича оммавий ахборот воситалари орқали ёритилиши тавсия қилинсин.

10. Мазкур қарорнинг ижросини назорат қилишни ўз зиммамда қолдираман.

Боғот тумани ҳокими



О.Холбоев